



HELAIAN MAKLUMAT

IKHLAS BASIC HOSPITAL INCOME BENEFIT TAKAFUL

Butiran Orang Yang Dilindungi

Nama Orang Yang Dilindungi	Sample
Kad Pengenal Baru	Ya 970122 - 12 - xxx5
Jantina	Lelaki
Perokok	Tidak
Tarikh Lahir	1/22/1997
Umur	25
Pendapatan Tahunan	50,000.00
Tempoh - HIB	20
Mod Sumbangan Takaful	Tahunan

Butiran Pelan Asas

	Kod Pelan	Tempoh	Amaun Perlindungan	Manfaat Harian Hospital						
Pelan Asas	TBT1BSCMD1074BD	20	Pelan B	Pelan A: RM200 setiap hari Pelan B: RM100 setiap hari Pelan C: RM50 setiap hari						
Tahun	1	2	3	4	5	6	7	8	9	10
Umur	25	26	27	28	29	30	31	32	33	34
[Tahunan] Sumbangan Takaful*	176.00	178.00	180.00	180.00	182.00	182.00	188.00	188.00	192.00	194.00
Tahun	11	12	13	14	15	16	17	18	19	20
Umur	35	36	37	38	39	40	41	42	43	44
[Tahunan] Sumbangan Takaful*	196.00	198.00	202.00	206.00	208.00	212.00	214.00	218.00	222.00	226.00

*Duti Setem sebanyak RM10 akan dikenakan sekali sahaja semasa permulaan dan Sumbangan Takaful adalah termasuk cukai-cukai lain, jika ada, pada kadar semasa.

HELAIAN KETERANGAN PRODUK (v0.10)**TAKAFUL IKHLAS FAMILY BERHAD**

(Sila baca Helaiian Keterangan Produk ini sebelum anda membuat keputusan untuk menyertai “IKHLAS Basic Hospital Income Benefit Takaful”. Sila pastikan juga anda membaca terma dan syarat am).

(Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)

IKHLAS BASIC HOSPITAL INCOME BENEFIT TAKAFUL

Tarikh: 22/10/2021

1. Produk apakah ini?

Ini adalah pelan asas sumbangan takaful berkala perubatan dan kesihatan, direka khas untuk membayar manfaat harian hospital/ manfaat unit rawatan rapi (ICU) harian hospital sekiranya Orang Yang Dilindungi telah dimasukkan ke hospital disebabkan oleh apa-apa sebab. Ini adalah pelan perlindungan tulen tanpa komisyen yang tidak menyediakan sebarang manfaat takaful atau bayaran balik apabila Sijil Takaful diserahkan.

Anda boleh mnyertai pelan ini jika anda berumur antara 17- 55 tahun. Umur adalah berdasarkan harijadi akan datang.

2. Apakah konsep-konsep Syariah yang diguna pakai?

- **Wakalah** – merujuk kepada kontrak di mana satu pihak, sebagai prinsipal (*muwakkil*) membenarkan pihak lain sebagai ejennya (*wakil*) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak Syarikat, kami dilantik sebagai ejen (*wakil*) untuk melaksanakan Perniagaan Takaful dan yuran Wakalah (*Ujrah*) akan dibayar kepada pihak Syarikat.
- **Tabarru'** – bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu semua Peserta-peserta Takaful yang ditimpa musibah. Di dalam konteks pihak Syarikat, Tabarru' akan diperuntukkan ke dalam Dana Risiko.

3. Apakah perlindungan-perindungan/manfaat-manfaat yang ditawarkan?

Terdapat 3 pilihan pelan seperti di bawah:

	Pelan A	Pelan B	Pelan C
a) Manfaat Harian Hospital	RM200 sehari	RM100 sehari	RM50 sehari
b) Manfaat ICU Harian Hospital	RM400 sehari	RM200 sehari	RM100 sehari

Anda berminat untuk menyertai [Pelan B].

Nota:

1. Jumlah hari maksimum yang akan dibayar untuk manfaat harian hospital adalah terhad kepada sembilan puluh (90) hari setiap tahun Sijil Takaful.
2. Jumlah hari maksimum yang akan dibayar untuk manfaat ICU harian hospital adalah terhad kepada tiga puluh (30) hari setiap tahun Sijil Takaful.
3. Jumlah hari maksimum yang akan dibayar untuk kedua-dua manfaat harian hospital dan manfaat ICU harian hospital adalah terhad kepada satu ratus lapan puluh (180) hari sehingga Tarikh Matang. Apabila jumlah hari maksimum yang perlu dibayar telah habis, Sijil Takaful akan tamat.
4. Hanya salah satu manfaat yang boleh dituntut pada satu masa sehari, sama ada manfaat harian hospital atau manfaat ICU harian hospital.
5. Hanya satu Sijil Takaful boleh disertai oleh Orang Yang Dilindungi.
6. Peserta Takaful dan Orang Yang Dilindungi mestilah orang yang sama.
7. Umur matang yang maksimum adalah sehingga enam puluh lima (65) tahun.
8. Tempoh kontrak : [20] tahun.
9. Sila baca Sijil Takaful untuk maklumat lebih lanjut mengenai manfaat-manfaat produk.

4. Berapakah jumlah Sumbangan Takaful yang perlu dibayar?

Jumlah Sumbangan Takaful yang perlu dibayar berbeza bergantung kepada pelan yang dipilih, jantina dan umur tercapai (umur akan datang) semasa pembaharuan semula.

Anggaran jumlah Sumbangan Takaful pertama yang perlu dibayar	:	RM176.00
Kekerapan Bayaran		[Tahunan]
Tempoh Sumbangan	:	Sehingga umur 45 tahun

Sumbangan Takaful yang dibayar untuk setiap penguatkuasaan semula akan ditentukan berdasarkan umur tercapai (umur akan datang) dan kadar tertentu pada masa tersebut. Sila rujuk Helaiian Maklumat untuk kadar penguatkuasaan semula sepenuhnya.

Sumbangan Takaful pembaharuan adalah TIDAK DIJAMIN dan pihak Syarikat berhak untuk menyemak kadar Sumbangan Takaful pada ulang tahun Sijil Takaful berikutnya berdasarkan pengalaman tuntutan untuk keseluruhan produk. Pihak Syarikat akan memberi tiga (3) bulan notis bertulis kepada Peserta Takaful sekiranya berlaku penyemakan semula Sumbangan Takaful. Sumbangan Takaful boleh diubah sekiranya pengalaman tuntutan semakin meningkat. Terma dan syarat untuk perubahan ini adalah tidak terhad dan Sumbangan Takaful juga boleh disemak-semula di atas alasan-alasan lain yang munasabah.

5. Apakah yuran-yuran dan caj-caj yang perlu dibayar?**a) Yuran Wakalah**

Yuran Wakalah sebagai peratusan daripada Sumbangan Takaful akan dikenakan. Sila rujuk kepada jadual di bawah untuk peratusan Yuran Wakalah yang terperinci.

Tempoh	Tahun 1 dan ke atas
Peratusan	20%

b) Caj Sijil Takaful

Caj Sijil Takaful sebanyak RM48 untuk setiap Sijil Takaful akan dikenakan setiap tahun. Caj ini adalah tambahan kepada Yuran Wakalah.

c) Tabarru'

Jumlah tabarru' adalah baki Sumbangan Takaful selepas ditolak Yuran Wakalah dan Caj Sijil Takaful. Amaun ini akan diperuntukkan ke dalam Dana Risiko.

d) Yuran Pembaharuan Semula

Yuran penguatkuasaan semula adalah sebanyak RM15, ditambah cukai-cukai lain, jika ada, pada kadar semasa.

e) Duti Setem

Duti Setem sebanyak RM10 akan dikenakan sekali sahaja semasa permulaan.

Nota: Penguatkuasaan semula merujuk kepada keadaan di mana anda menguatkuasakan semula Sijil Takaful anda selepas ianya luput. Sila rujuk kepada Sijil Takaful untuk butiran lanjut berkenaan penguatkuasaan semula.

6. Apakah terma-terma dan syarat-syarat utama yang perlu diketahui?

- a) Kepentingan pendedahan maklumat – Peserta Takaful dikehendaki mendedahkan semua maklumat dan fakta seperti keadaan kesihatan, dan menyatakan umur dengan betul. Pihak Syarikat mempunyai hak untuk menolak pembayaran tuntutan jika Peserta Takaful didapati gagal untuk mendedahkan maklumat yang berkaitan yang akan mempengaruhi keputusan untuk menerima atau menolak risiko, dan tentang peruntukan-peruntukan yang akan ditetapkan kepada Peserta Takaful.
- b) Tempoh Bertenang – Peserta Takaful boleh membatalkan Sijil Takaful dengan mengembalikan Sijil Takaful tersebut kepada Takaful IKHLAS dalam tempoh lima belas (15) hari dari tarikh Sijil Takaful diterima. Sumbangan Takaful yang telah dibayar (selepas ditolak dengan jumlah perbelanjaan perubatan – sekiranya ada) akan dikembalikan kepada Peserta Takaful. Pihak Syarikat akan membatalkan Sijil Takaful dengan serta-merta setelah penerimaan surat pembatalan dan Sijil Takaful akan dianggap tidak berkuat kuasa semenjak dari tarikh dikeluarkan.
- c) **Tempoh Menunggu:**
 - I. Tempoh menunggu selama **tiga puluh (30) hari** akan digunapakai dari Tarikh Kuat Kuasa atau Tarikh Penguatkuasaan Semula, yang mana terkemudian untuk kemasukan ke hospital yang bukan disebabkan oleh kemalangan.
 - II. Tempoh menunggu selama **satu ratus dua puluh (120) hari** akan digunapakai dari Tarikh Kuat Kuasa atau Tarikh Penguatkuasaan Semula, yang mana terkemudian untuk kemasukan ke hospital disebabkan oleh Penyakit-penyakit Khusus.
 "Penyakit-penyakit Khusus" bermakna hilang upaya dan komplikasi yang berkaitan dengannya seperti yang dinyatakan di bawah:
 - (i) Darah Tinggi, kencing manis dan penyakit kardiovaskular;
 - (ii) Semua tumor, kanser, sista, nodul, polys, batu-batu dari sistem kencing dan sistem biliari;
 - (iii) Batu-batu dari sistem kencing dan sistem biliari;
 - (iv) Semua telinga, hidung (termasuk sinus) dan keadaan tekak;
 - (v) Hernia, buasir, fistulae, hidrosel, varikosele;
 - (vi) Endometriosis termasuk penyakit berkaitan sistem pembiakan;
 - (vii) Gangguan Vertebro-spinal (termasuk cakera) dan keadaan lutut.
- d) Manfaat takaful akan tamat pada tarikh ulang tahun Sijil Takaful serta-merta selepas hari jadi Peserta Takaful yang ke-65 atau pada Tarikh Matang yang dinyatakan di dalam Helaian Maklumat Sijil Takaful, yang mana terdahulu.
- e) Adalah penting bagi Peserta Takaful untuk menyimpan resit-resit sebagai bukti pembayaran Sumbangan-sumbangan Takaful.
- f) Sila hubungi pihak Syarikat, sekiranya Peserta Takaful tidak menerima Sijil Takaful selepas empat belas (14) hari dari tarikh penyertaan.
- g) Sijil Takaful akan luput apabila Sumbangan Takaful tidak dibayar dalam Tempoh Ehsan.
- h) Notis terhadap tuntutan haruslah dibuat secara bertulis kepada pihak Syarikat dalam masa tiga puluh (30) hari selepas berlakunya kejadian yang mengakibatkan tuntutan. Setelah notis tuntutan dikemukakan, pihak Syarikat akan memberikan borang-borang berkaitan kepada pihak yang melakukan tuntutan bagi memfailkan bukti tuntutan serta memaklumkan pihak yang menuntut akan keperluan-keperluan lain yang mungkin diperlukan. Walaubagaimanapun, ini tidak akan menghalang pihak Syarikat dari meminta dokumen yang selanjutnya mengenai tuntutan tersebut sekiranya didapati perlu oleh pihak Syarikat. Kesemua maklumat dan bahan bukti ini hendaklah di kemukakan kepada pihak Syarikat dalam tempoh sembilan puluh (90) hari daripada tarikh berlakunya peristiwa-peristiwa yang dilindungi.
- i) Sijil Takaful ini tidak menyediakan sebarang amaun manfaat dari Dana Risiko seandainya berlaku pembatalan, matang, serahan atau tamat tempoh kepada Sijil Takaful.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh terma-terma dan syarat-syarat yang terdapat di bawah Sijil Takaful.

7. Apakah pengecualian-pengecualian utama yang terdapat di dalam Sijil Takaful ini?

Sijil Takaful ini tidak akan melindungi kemasukan ke Hospital yang disebabkan secara langsung atau tidak, sepenuhnya atau sebahagiannya, dari salah satu daripada kejadian-kejadian berikut:

- a) Peperangan, penaklukan, ancaman musuh luar, permusuhan atau operasi-operasi berbentuk peperangan (sama ada peperangan diisytiharkan ataupun tidak) atau perang saudara; atau
- b) Pemberontakan, rusuhan awam, pemberontakan tentera atau orang awam, insureksi, penentangan, revolusi, perintah berkurung atau darurat atau apa-apa jua peristiwa ataupun penyebab yang boleh menentukan pengisytiharan ataupun penyelenggaraan perintah berkurung ataupun darurat; atau
- c) Sebarang ketidakpatuhan undang-undang oleh Orang Yang Dilindungi atau kesalahan yang dicituskan olehnya; atau
- d) Sebarang rawatan atau ujian yang berkaitan dengan AIDS atau kewujudan sebarang Virus Human Immunodeficiency dan semua jenis penyakit akibat hubungan kelamin; atau
- e) Berkaitan dengan kehamilan atau melahirkan anak; atau
- f) Sebarang keadaan sedia ada.

Nota: Senarai ini tidak lengkap. Sila rujuk kepada Sijil Takaful untuk terma-terma dan syarat-syarat di bawah Sijil Takaful ini.

8. Bolehkah Sijil Takaful ini dibatalkan?

Anda boleh membatalkan Sijil Takaful dengan memberikan notis bertulis kepada pihak Syarikat. Semasa pembatalan, anda tidak akan menerima sebarang bayaran balik Sumbangan Takaful tetapi perlindungan anda akan diteruskan sehingga tempoh Sumbangan Takaful yang seterusnya.

9. Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting untuk Peserta Takaful memaklumkan kepada pihak Syarikat sebarang perubahan pada maklumat/ alamat untuk memastikan semua komunikasi perhubungan sampai kepada Peserta Takaful dalam jangka masa ditetapkan.

10. Bagaimanakah saya boleh mendapatkan maklumat lanjut?

Jika anda memerlukan maklumat tambahan mengenai Takaful Perubatan dan Kesihatan, sila rujuk kepada buku panduan *insurance info* mengenai 'Takaful Perubatan dan Kesihatan' atau lawati www.insuranceinfo.com.my.

Sekiranya anda mempunyai sebarang pertanyaan, sila hubungi kami di:

Takaful Ikhlas Family Berhad

Jabatan Pengurusan Perhubungan Pelanggan,
IKHLAS Point, Tower 11A, Avenue 5, Bangsar South,
No. 8 Jalan Kerinchi, 59200 Kuala Lumpur

Tel: +603-2723 9696

Faks No: +603-2723 9998

Laman sesawang : www.takaful-ikhlas.com.my

Emel: ikhlascare@takaful-ikhlas.com.my

11. Produk Takaful Perubatan dan Kesihatan seumpama yang boleh didapati.

Sila dapatkan penjelasan lanjut bagi jenis pelan seumpama yang ditawarkan oleh pihak Syarikat atau lawati laman web kami untuk mendapatkan maklumat selanjutnya.

NOTA PENTING:

ANDA HENDAKLAH MEMASTIKAN BAHAWA SIJIL TAKAFUL INI AKAN MEMENUHI KEPERLUAN ANDA. ANDA PERLU MEMBACA DAN MEMAHAMI SIJIL TAKAFUL INI DAN MENGHUBUNGI PENGENDALI TAKAFUL UNTUK MAKLUMAT LANJUT.

MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUYAI KEWAJIPAN UNTUK MENGAMBIL PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN DALAM BORANG CADANGAN (ATAU APABILA ANDA MEMOHON UNTUK TAKAFUL INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.

KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN, MUNGKIN MENGAKIBATKAN PEMBATALAN KONTRAK TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN KONTRAK TAKAFUL ANDA.

KEWAJIPAN PENDEDAHAN DI ATAS HENDAKLAH BERTERUSAN SEHINGGA KONTRAK TAKAFUL ANDA DIBUAT, DIUBAH ATAU DIPERBAHARUI DENGAN KAMI.

SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI), ANDA DIKEHENDAKI UNTUK MENYATAKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI MENERIMA ATAU TIDAK RISIKO DAN MENENTUKAN KADAR DAN TERMA YANG HENDAK DIGUNAPAKAI.

ANDA JUGA MEMPUYAI KEWAJIPAN UNTUK MEMBERITAHU KAMI SEKIRANYA SETELAH KONTRAK TAKAFUL ANDA DIBUAT, DIUBAH ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN INI (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.

Maklumat yang terdapat dalam Helaian Keterangan Produk ini sah pada : 22/10/2021